

AVISU

SU 17 DE CABUDANNI EST SU WORLD CLEAN-UP DAY, TZITADINUS ATIVUS PO S' AMPARU DE S' AMBIENTI

Sàbudu, su 17 de cabudanni est sa dii de su World Clean-Up Day 2022 e de s' International Coastal Clean-up e Quartu at a fai sa parti sua. Su World Clean-up Day est a sa de cincu editzionis. Est s' atzioni tzìvica de limpiadura prus manna de su mundu, assimbillat a un' unda birdi chi ndi pigant parti 191 Stadius: de s' Argentina a s' Austràlia, e finas s' Itàlia. S' International Coastal Clean-up est unu progetu chi s'ghit giai de 30 annus, chi at permìtiu de averiguai sa cundizioni de is prajas, costeras ma finas lagus e frùminis in unus cantu de logus de su mundu.

Po sa dii mundiali de limpiadura is assòtzius Clean Coast Sardinia e Tzitadinàntzia Ativa OIKOS, paris cun su patrotzìniu de su Comunu de Quartu Sant' Aleni, cuncordant s' eventuu de limpiadura/clean-up in is costeras de sa tzitadi, cun atòbiu in sa Marina de Capitana.

Po informatzionis si podit cuntatai su nùmeru 349 7765937, fintzas in whatsapp.